

**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt quamplures Formulæ Fori contentiosi, necnon nonnullæ litteræ Pastorales non minùs utiles, quàm necessariæ gubernium Ecclesiasticum assumentibus, ab eodem Auctore annotationibus auctæ, sacræ paginæ oraculis, & Sacr. ...

Monacellus, Franciscus

Venetiis, 1707

R. P. D. Pio. Gerunden. Capparum. Lunæ 27. Januarii 1698.

[urn:nbn:de:hbz:466:1-62423](http://urn.nbn.de/urn/resolver.pl?urn=urn:nbn:de:hbz:466:1-62423)

figentes , sed quodlibet eorum Successores adstringat ad observantiam , ad quam de Jure tenebantur tantum illi , qui Concordiam fecerunt , cap. veniens , vers. nisi prædicti Monachi , ibique Glof. in verbo confirmatam . Hostien. n. 3. in fin. Barbos. n. 2. de Transact. Abbas in cap. ex multipli- ci num. 2. de Decimis , Moneta eodem tra- dierat. cap. 5. quæst. 6. num. 126. Bellet. dis- quis. Cleric. part. 1. titul. de Cler. debitore §. 5. num. 31. Rota decis. 218. n. 6. part. 7. recent.

3 Juncta observantia comprobata per Testes , qui testantur , se nunquam sol- viisse Decimas de fructibus in Concordia reservatis , quibus favore Universitatis in Causa Deciniarum deferri voluit originaliter , Joann. Andr. in cap. sine posseſſio- ne de regulis Juris in 6. cui adhærent , Fel- lin. in cap. insuper n. 17. de testib. Farinacc. eod. tract. quæſt. 60. n. 49. & Curtius eodem tract. conclus. 4. nu. 14. in fine inter Tracta- tus magnos tom. 4. fol. 125. Mascard. de probat. tom. 3. concl. 1358. n. 60.

4 In nihilum refragantibus quibusdam actibus nonnullorum ex dicto Oppido de Tudela , qui se obligarunt erga Capitu- lum ad persolvendas quascumque Decimas de quibuscumque fructibus , qui in eorum Prædiis nascentur ; quia præter- missis ceteris responsionibus , ea placuit , quod etiam actuales solutiones plures fa-ctæ fuissent ab iisdem particularibus , per eas tamen neutiquam præjudicatum dici potest Communitati , I. sicut , ff. quod cu- jusque universit. nomin. Bero. conf. 19. nu. 31. lib. 1. Cravett. conf. 21. nu. 8. Fontan. dec. 546. nu. 7. Rota dec. 774. in fin. part. 3. recent. & cor. Mantic. dec. 256. nu. 9. & cor. Buratto dec. 285. nu. 3. ibique Add. litt. A , ubi quod ad hoc , ut inde præjudicatum fuissest Universitati , requireretur , quod ipsa collegialiter congregata , actus eos particularium approbasset .

5 De utilitate Capituli , & Canonicorum dubitari non potest , quia vigore Concordiæ aucta est Decima Olivarum , atque è Moris , atque Cardonibus percipiunt Decimas , à quarum solutione Ci- vies erant antecedenter exempti ex titulo enunciato tam in Instrumento Concor- diæ , quam in Confirmatione Papali post-

modum superventa , immemorabilis scilicet Consuetudinis non solvendi decimas , nisi ex Olivis , & Avellanis , quæ de Jure plusquam sufficiens erat ad eorum exemptionem adstruendam , se- cundum receptissimam Doctorum senten- tiam quod quamvis necessaria sit Immemo- rabilis , vel saltem quadragenaria com- titulo , quando agitur de præscribenda substantia Decimarum in toto , per Tex- tum in cap. Episcopum de præscript. in 6. tamen quando tractatur , vel de altera- tione quoæ , vel de ea reducenda ad cer- tam speciem fructuum , suffragatur sola , & simplex quadragenaria , ad Textum in cap. cum tanto , ibique Gloss. in ver. legitimè si præscripta de consuetud. Paris. conf. 25. nu. 27. lib. 4. Covarr. variar. re- solut. lib. 1. cap. 17. sub num. 8. ad §. Deci- mo bts omnibus , Leo in Thesaur. for. Ei- clef. part. 2. cap. 12. num. 46. Cardinalis de Luca de Decimis diso. 17. num. 8. Rota decis. 23. num. 1. & seqq. part. 6. & cor. Car- din. Seraphino decis. 112. num. 7. & coram Royas decis. 391. nu. 5. & coram Bichio dec. 653. num. 1. qua supposita Ecclesiastico- rum utilitate , eo magis Concordia debet observari , uti in cap. Statuimus , notant Abbas num. 3. Anton. à Butrio num. 4. Barbos. num. 5. de transaction. Moneta de Decimis cap. 5. qu. 7. num. 124. Rota decis. 582. num. 2. part. 18. recent.

Et ita decisum est , Universitate tan- tum informante , Capitulo autem Dilata- tionem petente .

R. P. D. P I O.

Gerunden. Capparum.

Lunæ 27. Januarii 1698.

ARGUMENTUM.

Onus reparandi fabricam Ecclesiæ , in- volvit etiam expensas pro paramen- tis , & luminariis . Consuetudo non extenditur de loco ad locum . Capitu- lum non potest statuere , ut provisi de præbendis , teneantur in eorum ingre- fu solvere aliquam certam summam , nisi

nisi concurrat necessitas, & juris ordo
fuerit servatus.

SUMMARIUM.

- 1 Onus reparandi Ecclesiam involvit impensas pro paramentis, ornamenti, ac luminariis, quæ fabricæ æquiparantur.
Constitutiones laudabiles Ecclesie servandæ sunt, ibi.
- 2 Inclusio unius, non probat exclusionem alterius.
- 3 In reparatione Ecclesie servanda est consuetudo, seu particularis conventione.
- 4 Consuetudo non extenditur de loco ad locum, sed in specie probari debet.
Testium depositiones interesse habentium nihil probant, ibi.
- 5 Solutions fieri non solent sine scriptura, ibi.
Testes non admittuntur, ubi probatio haberi potest per Scripturas, ibi.
- 6 Actus recentes, qui dederunt causam liti non attenduntur.
Episcopus est caput capituli, ibi.
- 7 Statutum capituli sive consuetudo Ecclesie, quo seu qua disponitur ut Præbendati in ingressu solvant certam summam pro cultu Ecclesie non suffinetur, nisi urgeat præcisa necessitas.
- 8 Contributio pro reparatione, seu alia necessitate Ecclesie, quomodo sit facienda de jure, ostenditur, & numer. 9.
Episcopus non potest statuere contra jus, neque contra sue Ecclesie laudabiles constitutiones, ibi dict. numer. 9.
- 9 Nuncius Apostolicus, ino nec Legatus de Latere potest statuere, seu rescribere contra jus.
- 10 Consensus aliquorum de capitulo, non officit cæteris, qui non interfuerint, Monacelli Form. Pars II.

- quando agitur de actu voluntario.
- 12 In materia subministrations paramentorum standum est consuetudini Ecclesie.
 - 13 Dignitates, que voces in capitulo non habent, non connumerantur inter capitulares.
 - 14 Restitutio exacti evitari non potest, quoties indebita præcessit solutio.

DECISIO XXXVII.

EO sub fundamento, quod in Ecclesia Gerunden vigeret consuetudo, & obseruantia ac etiam adessent Statuta, quod obtinentes unam ex octo dignitatibus tenerentur persolvere in ingressu pro Cappis, seu Pluvialibus duplas quindecim, Capitulum ejusdem Ecclesie, parem summam indebet exegit à Procuratore in partibus constitutum per Benedictum Vadellam pro capienda possessione Archidiaconatus Bisuldunensis, de quo per Sanctissimum fuerat provisus. Verum renuentibus Canonicis summam exactam restituere, hinc Benedictus, ut propriæ, ac aliarum Dignitatum indemnitati consuleret, obtinuit subscribi Dubium, *An capitulum possit quidquam exigere à Dignitatibus pro prætensa subministracione Capparum, & easdem Cappas de administratione Communii liberè, & absque ulla solutione ministrare teneatur, itaut sit locus restitutioni summae exactæ, quo in hodierna Audientia per me proposito, conformis ejusdem Benedicti petitioni prodit resolutio.*

i Etenim in Ecclesia Cathedrali Gerundæ ab antiquissimo tempore constituti reperiuntur particulares redditus pro fabrica, quam vocant administrationem Operis, ac proinde nequit Capitulum quidquam exigere à Dignitatibus prodicata prestatione Capparum, sed illas de præfata operis administratione liberè, ac absque ulla solutione ministrare teneatur, tum ex Juris communis dispositione, secundum quam omnis reparandi Ecclesiam, involvit etiam impensas pro paramentis, ornamenti, luminariis, ac cæteris omnibus honorifico Dei Cultu necessariis, quæ fabricæ æquiparrantur

Gg rantur

rantur ad Text. in cap. final. de Testam. ibi — *Ornamentis, seu fabricæ, luminaritis, sive aliis ad perpetuum Cultum Divinum* &c. Andr. Barbat. conf. 26. nu. 1. & 4. lib. 3. Surd. conf. 62. sub n. 4. & 5. Sperell. dec. for. Eccles. 68. nu. 9. Genuen. in prax. Archiep. cap. 109. sub n. 13. circa fin. Franc. de Eccles. Cathedr. c. 20. n. 34. & seqq. Amostaz. de caus. Piis lib. 4. c. 1. n. 25. Ventrigl. in prax. annot. 18. n. 2. part. 2. Tondut. resol. Benefic. p. 1. c. 39. n. 9. Qui in specie id exemplificat in Pluvialibus; Tum etiam ex specialibus ejusdem Ecclesiæ Statutis, Ordinationibus registratis in libro viridi nuncupatio to ibi — *Cappas omnes fericas ipsi Ecclesiæ necessarias esse ex solvendas de Bonis ipsius Operis, præter illas, quæ debent fieri, & exsolvi per personas de Capitulo in novitate sua, quæ sanè Constitutiones, cum sint laudabiles, ac in Ecclesia Gerunden. hic usq; observatae, veniunt in Judicio atten dæ, ut aliæ respondit Rot. in Gerunden. Administrationis Episcopatus Sede vacante 24. Januarii 1687. §. Nec obici valet cor ram bo. mem. Emerix Decano.*

2. Non subsistente responsione, quod in universis Cathedralibus Provinciæ Ca thaloniæ, & signanter in Ecclesia de qua agitur, Cappæ non sint conficiendæ ex redditibus Operis, sed parandæ veniant de particuliari Administratione pro reficiendis Cappis erecta, quodque ex consuetudine ibidem usu recepta, ac insuper de anno 1684. confirmata per Capitulare Statutum cum interventu Vicarii Gener alis, ac nonnullarum Dignitatum existentia, conditum, & subinde per Reverendissimum Hispaniarum Nuncium specificè approbatum, non minus Canonicæ, quam Dignitates pro illius manutentione duplas quindecim in eorum ingressu, non obstante præfato Decreto in libro viridi contento huc usque persolverint, *Summario capituli à num. 1. & seqq. adeo ut proptereà ad evitandam contrarietatem ejusdem Decreti cum recensita consuetudine, omnino dicendum sit, quod dum ibi excipiuntur expresse pluviales Cappæ à personis de capitulo per solvi solitæ sub nomine Personarum de capitulo, fuerint etiam compræhensæ Dignitates, vel saltem in dicto libro viridi*

solum adnotatum fuisse onus Canonicis incumbens, absque eo quod fuerit expre sum aliud æquè simile, quo Dignitates gravantur, & per consequens ex eodem probari solum affirmativam, quod nem pè Personæ de capitulo ad solutionem te neantur, non autem concludi valeat negatiua, utpote quia reticendo onus ea runderem, nulla adhibita fuerit dictio taxativa respectu personarum de capitulo, quo casu juxta notissimam Juris regulam, de qua Textus in l. cum Prætorff. de Judicis, & in l. quanvis C. de pignor. incluio unius haud probat exclusionem alterius.

3. Siquidem tametsi in dubium revocari nequeat conclusio, quod ubi fuit constitu ta particularis administratio, ex qua virtute consuetudinis, ac Statuti, Paramenta conficienda sint, omnes qui illius manutentioni concurrere debent ad solutionem debitæ quotæ veniunt compellendi, ut tradunt Bero. conf. 3. nu. 1. et 2. lib. 1. Panimoll. dec. 6. annot. 8. nu. 1. Franc. de Eccles. Cathedr. cap. 13. et nu. 9. et seqq. Ventrigl. in prax. annot. 18. nu. 2. p. 2. Rot. coram Mantica decis. 284. nu. 2. coram Coctin. dec. 289. nu. 1. repetit. in recent. decis. 287. nu. 1. par. 1. et dec. 454. num. 4. par. 3. carundon recent. attamen nec existentia hujus parti cularis Missæ pro Cappis, sed Pluvialibus conficiendis destinata, cui Dignitates quid quā perfolvere consueverint sufficianter probari videbatur, nec Statutum conditum Anno 1584. eisdem Dignitatibus decebatur obesse.

4. Non quidem primum, nam quid quid revera sit in reliquis Cathedralibus Cathaloniæ, quod ubi etiam concluden ter probatum est, nullatenus officeret, ex quo consuetudo extendenda non est de loco ad locum, sed in specie probari debet, Rota coram Seraphin. decis. 1159. nu. 6. in recent. decis. 214. num. 2. part. 7. et in Hispalen. divisionis simultaneæ, 11. Februarii anni præteriti §. Similiter, at in Hispalen. Juris sedendi in Choro 21. Junii ejusdem anni §. Minusque coram R. P. D. mco Muto, & in puncto coram Mantica di fa decis. 274. num. 6. Particularis consuetudo in Ecclesia Gerund. minimè probata remansit, utpote deducta solum ex qui busdam Testium depositionibus, quæ nul lam

Iam animadversionem merentur, nedum quia pendente lite, & absque litteris Remissorialibus ab ipsis Canonicis interesse habentibus, vel eorum Ministris fuerunt emissæ ad plenè tradita per Rotam in Derrusen. Jurisdictionis 6. Februarii 1696. §. Tum quia coram me; Verum etiam quia extrahendo partitas solutionum, quæ procul dubio, ubi intercessissent, in scriptis suis redactæ per ea quæ ponderat Rota coram Bichio dec. 74. n. 43. ubi concordantes cum aliis in Romana Pecuniaria, seu locorum Montium 14. Junii præteriti §. Altera vero, coram R. P. D. meo Olmo, plena rei probatio ex duplicitis documentis potuisse haberi, Cardinalis de Luca de Jurisdictione disc. 37. n. 8. Rota cor. Cavaler. dec. 87. n. 1. in recentior. dec. 196. n. 8. p. 1. dec. 18. n. 6. par. 6. & dec. 252. n. 1. par. 7.

5 Quam veritatem agnoscentes Canonici de facto extrahi curarunt nonnullas Partitas, quæ tamen æquæ inepta DD. visæ sunt, nam exceptis duabus posterioribus, quæ licet probent solutiones emissas per Archidiaconum de Sylva, & Benedictum Vadellam Anno 1692. & respectivè anno 1695. attamen attendi nequeunt, ex quo sunt actus, qui causam liti præbuerent, ut observat Rota in recent. in dec. 334. n. 4. p. 1. coram Bichio decif. 169. num. 21. & dec. 522. n. 20. & coram Priol. decif. 128. num. 8. et 377. num. 18. ceteræ omnes sunt penitus extraneæ a calo nostro, utpote solūm præferentes, vel solutiones per Canonicos factas, qualis est illa, quæ contingit ann. 1340. Summario Capituli num. 9. litt. A. vel præstationem librarum quinque pro seriali sequitata de anno 1539. d. Summario num. 8. litt. C. quas libras quinque tanquam à Dignitatibus persolvi consuetas citra difficultatem exhibuit etiam ipse Benedictus Vadella, vel denique probantes portiones solutas per Episcopos, tum ratione duplicitis Præbendæ Canonicalis, quam obtinent in sua Ecclesia; Tum etiam ratione propriæ Dignitatis, ob quam cum esse dicantur de Capitulo, imò caput ipsius Capituli ad Text. in cap. novit. et cap. quanto de his, quæ sunt à major. part. Cap. Corn. consil. 193. num. 3. lib. 3. Cardin. de Luca de Benef. disc. 1. sub num. 34. et disc. 28. sub

num. 19. extra controversiam easdem subministrare tenetur, ut caveretur in superius enunciatis ordinationibus in libro viridi descriptis; Ideoque eorum solutio Dignitatibus præjudicium inferre non potuit, quia cum hæc vocem in Capitulo non obtineant, de Capitulo dici nequeunt, ut in similibus terminis alterius Capituli Ecclesiæ Collegiatæ S. Felicis ejusdem Civitatis Gerundæ, dixit Rota coram Coccino dec. 497. num. 1. coram Bich. dec. 203. et seqq. et dec. 211. in fine.

Nec relevat antiquitus consuevitæ Dignitates conferri personis actu Canonicis existentibus, idcirco mirum non esse si non reperiantur solutiones in nostris præcisissimis terminis factæ, nam ut se habeat veritas hujus assumpti, cum inverisimile videatur, Dignitates iustum collatas fuisse, qui Canonicali Præbenda potiebantur, & eo fortius quia ex octo Dignitatibus Ecclesiæ Gerunden. sex ad præsens detinentur à Personis, qui Canonici non sunt insigniti, placuit DD. responsio, quod hoc non obstante, si Canonici in ingressu ad Dignitatem aliquid solvissent, facile posset Capitulum de solutione docere.

6 Ceeterum defectus consuetudinis, & observantiae, ultra quod probatur etiam ex ipso Statuto de recenti condito, nam data consuetudine, superfluum fuisse edere Statutum, ut ponderat Rota coram Coccino dicta decif. 829. num. 1. ad evidenter demonstratur ex ipsamet Canonicorum confessione emissa in expositione Statuti, ibi namque quamvis studeret Capitulum oneri solutionis Capparum Dignitates subjecere, ingenuè tamen factetur solos Canonicos præfata consuetudine hucusque obstrictos fuisse, verum quia (inquit) etiam Dignitates Cappis utuntur, & ex illis honorem sentiunt æquum est, quod quemadmodum illas solvant, & solvere confuerunt Canonici, ita etiam illas solvant Dignitates, confessio autem Partis omne genus probatio excedit, juxta vulgatum Textum in cap. pertuas de probationibus.

Sublata ex his prima objecti parte à consuetudine defumpta, minus roboris habere visa est altera Statuto innixa, virtute cuius altem consuetudo Canonicos

G g 2 affi-

afficiens, ad Dignitates quoque extendi contendebatur. Quippe quia, omissa inspectione validitatis ejusdem Statuti, super qua hodie DD. non insistebant, & sublato æquivoco, quod Episcopus interfuerit capitulo per organum sui Vicarii, cum Vicarius haud intervenierit exquirendo capitularium vota, sed solum cùm aliis considerat tanquam simplex Canonicus.

7 Censuerunt DD. memoratum Statutum, tanquam injustum substineri non posse, quia quidquid sit, an hujusmodi Capitulo competit facultas statuendi adhuc ut justè in hypothesi casus nostri revocari deberet ad actum, duo essentialiter requirerentur, primum videlicet, quod redditus operis, cui, ut præmisimus, inspectis consuetidine, ac Ecclesiæ Statuto duplas quindecim in eorum ingressu persolvere tenentur, impares pro impensis suppertandis fuerint adinventi, itaut uregt præcisa necessitas alicuius subsidiæ suppeditandi, alias enim illo cessante, nemo esset molestandus, ut bene explicat Glössa in c. 1. in finalibus verbis de Eccles. ædific. & tenent ibi Henric. Boich. in fine. Hostiens. nu. 1. versic. Et hoc intelligas, quando portio deposita non sufficit, Abbas ibidem n. 3. Butrigar. nu. 5. versic. opponitur etiam circa finem, Anchæ. nu. 2. Bero. consil. 3. nu. 5. versic. Et tunc ante omnia recurrentum eset lib. 1. Pias. in prax. Episcop. p. 1. cap. 3. n. 1. & seqq. Valasch. consult. 79. nu. 11. & 12. Panimoll. dec. 6. annot. 8. nu. 2. Sperell. dec. 67. nu. 2. Ventrigl. in prax. annos. 18. nu. 2. part. 2. Rot. coram Mantic. dec. 284. nu. 3. & coram Coccin. dec. 829. nu. 5.

8 Alterum autem, quod deveniatur ad contributionem, Juris ordine servato, ut nemp̄ probata necessitate Ecclesiæ, Episcopus pro illius reparatione prius impen dat quartam partem reddituum Mensæ Episcopalis, non solum futurorum, sed etiam præteriorum, cùm ei non liceat illos in alios usus consumere, sed eosdem reservare teneatur pro fabrica indigentia, Gloss. in cap. primum verbis final. de Eccles. ædificat. & tradunt omnes superius ad duci, & præsertim Bero. dicto consil. 3. nu. 9. vers. nec suffragatur lib. 1. Franc. de Eccles. Cathebr. cap. 13. nu. 22. & seqq. Rota

coram Mantic. s. ep̄ citata dec. 284. num. 4. Quando verò nec Quarta Episcopi satis eset, tunc cogeretur Capitulum pariter de Quarta Canoniciatum supplere, & deinde servatis Justitiae distributivæ limitibus, Dignitates cum reliquo Clero per Statutum ad prefatum subsidium pendendum adstringi possent, ut prosequitur Franc. de Eccles. Cathebr. cap. 13. num. 42. versic. quod modoprädicto, & cap. 20. num. 39. & seqq. Panimoll. dec. 6. adnot. 8. nu. 6. Barbol. de Offic. & potest Episcop. allegat. 64. num. 5. & respondet Rot. d. dec. 829. num. 8. & 9. coram Coccin. repetita, ut jam dictum est in rec. dec. 627. part. 1.

9 Quamobrem cum memorata Capituli dispositio, prædictis nullatenus attentis, subjecerit Dignitates oneri duplrum quindecim in ingressu subministrandarum, emissa utique censetur ad sublevandam tantum propriam, ac Episcopi obligationem, ac proinde tanquam iusta substineri non valer; Quamvis probatur interventus ipsiusmet Episcopi, & facta diceretur pro majori Dei Cultu, ut optimè advertunt Frances ubi supra cap. 13. num. 42. Rot. coram Coccin. decif. 829. num. 4. & 5. & respondit Sac. Congregatio in quadam Palentina registrata per extensum apud Garziam de Benef. par. 8. cap. 1. nu. 90. Episcopus enim supposita obligatione propria, ac etiam exemptione Dignitatum emergente, tam ex dicta generali Juris dispositione expressè præcipiente contributionem Ecclesiasticorum pro reparatione Fabricæ faciendam else ordine superius exposito, quām ex peculiaribus Ecclesiæ Ordinationibus formiter ulque ad hanc diem servatis, solas personas de capitulo in actu adipiscendæ possessio nis controversæ præstationi adstringentibus, eximendo se à propria obligatione, haud valet in eorum præjudicium, ipsiis inauditis, quidquam statuere, quod à Juris censura, & à rectis Ecclesiæ sive Canonibus deviet, ut docent Abbas in cap. 11. Clerici S. de Adulteriis num. 10. de Judicis, Domin. de S. Gemin. in cap. licet in princ. num. 8. de elect. in 6. & in terminis alterius Statuti in Eccles. Gerunden, pariter inconcusse observati decisum fuit coram Seraphin. dec. 590. num. 5. & seqq. & coram

coram Greg. dec. 154. nu. 5. in versic. & fuit
sæpius.

10 Atque ex hoc capite existimarent DD. neutquam relevare, quod idem Statutum à Reverendissimo Hispaniarum Nuncio confirmatum extiterit, quoniam nec ipsi licet rescribere, statuere, aut indulgere contra Sacrorum Canonum censuram, ut monuit *Glossa in cap. finali verb. figura, vers. sed dubitari solet de heretic. in 6. Joan. Andr. in cap. finali num. 7. ibique Hostien. sub num. 11. usque ad fin. ad Offic. Archipresbyt. &c in fortioribus terminis Legati à Latere tradunt, Gratian. discept. forens. cap. 300. nu. 50. Tondut. resol. Civil. c. 67. n. 17. to. 1. Rota in Ravennaten. Donationis 5. Aprilis 1677. §. In præsentia, coram clar. mem. Cardinali V. ecomite, & in Aventonem. Donationis 20. Aprilis 1682. coram Reverendiss. D. mco Ursino Decano, & novissime concordantibus adductis responsu fuit in Toletana Administrationis 26. Junii superioris anni §. Altera, coram me.*

11 Minusque refragari, quod in editione ejusdem Statuti nonnullæ Dignitates Capitulo interfuerint, quodque etiam ipsæ Cappas utantur; Primum enim tollebatur, nedum ex eo, quod prædictæ Dignitates Capitulo intervenerant, tanquam Canonici, cum aliæ eisdem interesse minimè licuisset, dum voces in capitulo non habebant, ut probatum est; Verum etiam ex quo consensus à duabus præstitus, reliquis sex officere non potest, ad Text. in cap. 1. & toto tit. de his, quæ sunt à majori parte Capit. & firmat Rota in Gerunden. Anniversariorum 15. Decemb. 1575. coram Cæsare de Grassi ubi supra, attento potissimum, quod verfamur in actu voluntario, in quo consensus omnium interese habentium requiritur, ut Text. in cap. humili, ubi Innoc. nu. 2. vers. & maxime de major. & obed. Rota coram Bich. dec. 256. nu. 23.

12 Secundum verò cessabat advertendo, quod cum Dignitates sint exemptæ à solutione, tam ex dicta generali Juris dispositione, quam ex particulari lege Cathedralis Ecclesiæ Gerunden. ac infuper de redditibus Operis Capitulum semper dignitatibus Cappas liberè præstiterit, proculdubio tenebitur imposterum illas

Monacelli Form. Pars II.

exhibere, sicuti de facto easdem subministrare non designatur ceteris Ecclesiæ Beneficiatis, absque eo quod ratione usus nihil unquam exsolverint, ad tradita per Card. de Luca de Canonic. & Dignit. disc. 3. nu. 3. & seqq. Rot. dec. 542. n. 4. & seqq. & dec. 533. nu. 1. & seqq. coram Bich. & in rec. dec. 380. per tot. par. 11.

13 Quibus ita Statutis, nec dubitare contingit, sub veteri Decreto in libro virido compilato sub nomine Personarum de Capitulo Canonicos tantum fuisse admissos; siquidem sublata de medio contraria consuetudine Dignitates, quæ vocem in Capitulo non habent, juxta Juris dispositionem inter Personas de Capitulo per solos Canonicos constituto connumrandæ non sunt, ut ultrà auctoritates superius adductas in §. *Quam veritatem in fine, specificè loquentes de Ecclesia Gerund. generaliter firmant Compostellan.* in cap. 1. nu. 4. vers. nunquam Portionarii, Fagnan. in d. cap. 1. nu. 43. Valenz. conf. 194. n. 21. & seqq. Ferret. conf. 115. per tot. Card. de Luc. de Can. & Capit. disc. 4. nu. 5. Rot. coram Seraph. dec. 98. n. 1. & cor. Mart. Andrea dec. 53. nu. 3. & in rec. dec. 708. n. 3. p. 2.

14 Unde à primo ad ultimum jure sequi visum fuit, quod cum nulla ratione suffultum, Capitulum exigere valeat à Dignitatibus prætentas subministrations duplarum quindecim, cogendum esse ad restitutionem æqualis summae à Benedicte exactæ, quæ nunquam evitari potest, quoties indebita præcessit solutio, ita sanciente Textu in lib. 1. & toto tit. ff. de condit. indebit. Joan. Galemar. in declarat. ad Sac. Concl. Trid. cap. 14. nu. 1. Rota coram Priolo decisi. 42. num. 105. & coram Ninot. dec. 2. nu. 8.

Et ita post secundam Causæ propositionem responsum fuit utraque &c.

R. P. D. P R I O L O.

*Valentina Jurisdictionis.
Veneris 14. Februarii 1698.*

A R G U M E N T U M.

Jurisdictionis totalis concessa Rectori in lumine fundationis Collegii auctoritate

G 3 Papæ,